







13






*foldout/map  
not digitized*

GRATIARUM ACTIO  
EXHIBITA  
**CLEMENTI**  
**UNDECIMO**

PONTIFICI MAXIMO

*A Capitulo Ecclesiæ Cathedralis  
Ferrariæ.*



R O M Æ , M D C C I I I .

Excudebat Cajetanus Zenobius Sanctissimi Domini Nostri  
CLEMENTIS XI. Scalptor .

---

SUPERIORUM FACULTATE.





## *BEATISSIME PATER.*



UA die sapientissimo Divinae Mentis Consilio factum est, ut penès Te BEATISSIME PATER, supremæ Dignitatis deportarentur insignia, licèt quamplurima fuerint, quæ totius Christiani Orbis admirationem comparaverint: Illud tamèn præ ceteris nostrorum omnium Animos perculit, quòd arcanam, nec hætenùs

usitatam rationem inierit Deus, qua dùm Unum eligeret, nemini displiceret; atque omnes Unius Dignitate perindè faceret letos, ac si omnium in Uno contineretur fœlicitas; adeòut illa Prophetæ Regii tunc in ore omnium versari visâ sit gratulatio *Dominus est assumptio nostra, & Sancti Israel Regis Nostri*; Et sanè quis communem negaverit Principatum, quem qui obtinet, non suum esse duxerit, sed aliorum, quo qui caret, eam esse Principis mentem intelligat; ut divisas velit quidè sui muneris partes: sed ità tamèn, ut laborem sibi, aliis utilitatem reservet. In ipsa quoque Majestate amabilis, parem se quodammodò cæteris præbet, dùm Maximus salutatur, gaudetque oblivisci, quod est, & semper meminisse, quod fuerat.

Hoc est profectò BEATISSIME PATER Pontificem ad absolutam Dei Homini, cujus vices gerit, imaginem conformare: Sic enim, & suum ille Principatum divisit, suos ~~nos~~ vocans, & nostras sibi adoptans ærumnas. Illud tamèn intèr utrumque discrimen esse dixerim, quòd Ille naturâ suâ Primus, voluntariâ mox demissione factus Novissimus, in nostra humilitate, altissimam depresso Majestatem; Tu verò per maximam,



5

mam, ejusdemque Numinis Vicariam Potestatem, summam in supremo fastigio moderationem exhibeas.

Quæ quidem cum impleas cumulatius, quàm promiseris, Te nunc amplius non admiramur, quòd Dignitatem tuam recusaveris, sed quòd acceperis. Noverat enim Mens illa sublimis, & cognata syderum, tantum habens cum Divinitate commercium, noverat onus, quod parabatur, Angelicis humeris formidandum. Quid mirum ergò si cæteris Te ad summa vocantibus, Unus obsisteres? Tunc enim verò facinus omnium sæculorum memoria dignissimum es aggressus, cum non carni, & sanguini, sed Spiritui Sancto aquiescens, nec privatis, sed publicis consulens rationibus, eo temporis momento Orbem sustinendum accepisti, quo lapsum minabatur; Tibique Ecclesiam Universam unicè commendarunt maximæ calamitates, & totius Orbis foelicitas extitit hæc una, fuisse miserum.

Quàm foeda enim tunc rerum facies se animo ingessit? Quot gliscentium bellorum tumultus? Quot proeliorum semina, vel in ortu suo grandia? Quæ diuturnæ, & tot consultationibus imperatæ Regum, ac Principum iræ? Quæ novorum Dogmatum mul-

tis

tis in Regionibus turpissima libertas, & hereditarius in Romanum Pontificem furor? Verum hæc omnia semel terruerunt, ut nunquam amplius terrerent, semel timuisti, ut nunquam amplius timeres, & retrò gradum traxisti, ut validiùs progredereis, & Petri Æmulus, & Successor, constantiùs suprà fluctuantem pelagum, quàm suprà stabilem terram ambulares.

Et profectò quis è Cœlo donatum non agnoverit Principem, qui nihil timeat, & nihil terræ debeat, qui in Fratre inclyti Sanguinis, & virtutum Germano, qui in Nepote ipso totiès cum primis Sapientum Capitibus congresso, vel integris diebus Romæ admirationem fatigante, & iusta omnium impatientia celebrato, tantùm metuat cumulas laudes, & plausus.

Mira tunc lætitiæ facies explicuit Civium Ora, nec cohibere se poterat populi favor, quin totus in gaudia, festaque preces erumperet, ut quem Deus feliciter Principem dederat, feliciter conservaret, auspicante sibi Româ in Clemente, Leones, Gregorios, verè Magnos, veluti Castoris, & Pollucis astra in tempestatibus serena, Sy-  
 dus aliud æquæ magnitudinis, inter umbras  
 ful-

fulgentissimum . Quod si vel ab ipsâ inauguratione conjiciendum , quæ tantum Pontificem consecutura sunt decora , illud hîc jure optimo liceat usurpare , quod de B. Eusebio Ecclesiæ Vercellensis Antistite scripsit Ambrosius . *Meritò vir tantus evasit , quem omnis elegit ecclesia , meritò creditum , quod Divino esset electus judicio , quem omnes postulavissent .* Nec diù suspensos habuit animos expectatio : In supremo enim rerum culmine constitutus , subjectas undiquè terras cogitatione complexus , qua celeritate mentem in proximas paritèr , ac remotissimas Regiones diviseris , vel positæ extrà anni , Solisque vias , extrà nostrum Orbem testantur Provinciæ , quas per Nuntios alloqueris , per amorem complecteris , per beneficia demereris .

Sed quorsùm hæc ? Inanitèr ne , aut ad conciliandam dumtaxat benevolentiam commemoramus ? Minimè quidè ; cui enim Modestię tuę non sit nota severitas , qua tuis acerrimè laudibus indignaris . Verùm quæ in dies spargis , ac longè , latequè diffeminas beneficia , nobis omninò tacitis prætereunda non erant . Nihil enim tuam magis in Nos providentiam commendat , nisi quòd è summis Christianæ Reipublicæ

negotiis ad minima etià privatorum hominum commoda procuranda, solertissimas nuperrimè curas deflexeris, quàm similimus Deo, qui & in minimis vult se Maximum prædicari.

Locus erat nostro in Templo eximiè incommodus, in quo statutas Deo laudes per hyemem solveremus. Structura quidè augusta, sed nimis ampla, quæque non ad privatum unius Ecclesiæ cœtum, sed ad publicum penè Orbis conventum suffecerat: Illuc enim primò universalis illa fuit Synodus coacta, quæ Ferrariæ cœpta, & mox Florentiam traducta, diuturniorem quidè alibi Sedem, sed non fortasse capacem magis obtinuit. Vix innotuit auribus tuis paternis, quantum à debita ter in singulos dies psalmodia Sacerdotum animos injuria frigoris retardaret, cum illicò, ut nec in Deum minueretur Religio, nec homines plusquam par est, gravarentur, nulla habitâ dispendiorum ratione, Odeum alterum extruendum mandasti, contracta quidè veteris amplitudine, non dignitate, utpotè, quod novum, tuam semper oculis ingeret Majestatem.

Quot? Deus Immortalis, quot in hoc uno munificentiae tuæ monimento, sunt ar-  
gu-

gumenta, quæ sibi non Urbis modò nostræ, sed omnium gentium admirationem concilient? Non solum in tanta, quam diximus negotiorum turba, ac difficillimâ Orbis terræ procuratione; sed impeditis quàm maximè ditionis Ecclesiasticæ rebus id suscepisti; cùm Milites comparandi essent in tutelam; cùm Ærarium exhauriendum in armorum sumptus, & apparatus. Quæ igitur Animi tui Celsitudo, ut hæc inter alia pro Religionis ornamento mediteris? Nonne bellorum circumquaque strepentium tumultibus distractus, atque impeditus, Domum Domini ædificandam Rex ille religiosissimus distulit, quem factum cœteroquin juxta cor Dei sacrarum memorant Oracula paginarum? Verùm Tū tanti Principis magnanimitatem quasi supergressus, & bello, & paci consulis, & templa construis, & arces, Te fortitudini totum devoves, Religioni.

Memineras psallentium voces, sacrorumque Ordinum preces, validissimas illas Sanctuarii tubas referre, quæ non minus ad deijciendas perduelles cœlo arces, quàm ad firmanda meliorum Urbium propugnacula personarent. Quò circa, ut nostram, quam tibi addictissimam noveras

Civitatem , adversùs finitimorum Militum incursiones , licentiamque munires , quo tempore mœnia validiùs firmas ; aggerem amplificas , Militem auges , Pacem inter bella meditaris , pacem loqueris , & tandèm victrici prudentia tantùm suadebis , ut semèl persuadeas ; opportuniorem divinis laudibus extruis locum , ut intelligeremus , quantùm Cordi , quantùm Tibi sint in amoribus , ad quorum salutem Cœli , terrarumquè præsidium advocares .

An verò hæc pro nostra incolumitate molitus es , cùm nullæ premerent sacros in usus impensæ ? Norunt Quirites , quibus suus ipse Tybris infestus gemina undarum eluvione , & terræ , & aeri gravis , gemino munificentissimi Principis beneficio pacata omnia , ipsumque periculum sibi sentire innoxium . Norunt subjectæ tot Urbes , norunt Oppida , terram etiàm instabilem experta , quæ terremotibus æquata solo , non nisi unius Clementis liberalitate felicitantur . Norunt commorantes adhuc in agris miserandę multitudinis greges , quibus cùm omnia , quæ ad vitam tuendam paraverant , ruinis domorum fuerint consépulta , id unum sibi superesse gratulantur , quo lachrymas , mœroremque detergant , Principi-

pis

pis scilicèt miserationem , & largitatem .

Adest nimirùm par omnibus Parentis optimi charitas : atque adeò nunquàm ad beneficia manus , quæ vel absentes , & erigant , & sustineant , arctantur , ut cùm tot in opera suppetant census , divinitùs quodammodò aucti videantur . Sed tuæ verè sunt ista , miracula parsimonix , qua tam parcè consulis Tibi , ut habeas , quæ munificentius in alios effundas . Verùm , & si unus omnium calamitatibus tam abundè sufficias , nos tamèn peculiare quoddam fuimus liberalitatis tuæ privilegium experti . Non enim Tibi ullæ sunt exhibitæ preces , nec quod est adhuc precandi genus validius , ut miserationem extorquerent , nostra in conspectum dedimus incommoda . Tua nobis penitùs inopinantibus occurrit Humanitas , & quod petere , ne venire quidèm in mentem poterat , Largitor ultroneus festinasti , bis beneficus , & quod dederis , & quod non expectaveris , ut rogareris . Hæc siquidèm est beneficentiæ cumulatissima laus , ut cùm beneficium velit esse omninò gratuitum , emptum minimè verecundia postulantium patiatur .

Quæ cùm ità sint BEATISSIME PATER , omnesque uno in munere absolutissimæ Muni-



ficentiae numeros impleveris ; quis omnes nunc partes adeò exactè in actione gratiarum prosequatur ?

Adfunt ex amplissimo Purpuratorum Patrum Senatu tria præstantissima Lumina . Dominus Cardinalis Imperialis olim in nostræ Urbis moderamine Legati , ac in Sacro Regimine Delegati munus exercens , nunc verò Capituli nostri Patronus , in omnibus muneribus semper idem , & eximius . Adest Dominus Cardinalis Pauluccius , qui Ferrariensem nuper Ecclesiam regens , nunquam deseruit , nunquam deserit absens , ita ut videatur in ea una , oculos figere , quos Mundo debet , accepti hujusce beneficii fautor amplissimus . Adest denique Dominus Cardinalis de Verme nostræ modò Civitatis Antistes , ad omnem prorsus præstantioris sanctimoniae normam , cultumque compositus . Plaudunt hi quidem Omnes beneficentiae tuæ mira quadam jucunditate perfusi , quòd finitimo ardente bello , in Sunamitide videant , hoc est in Ecclesia , quam veluti semper Sponsam Uxorem Agni præ oculis habeat , novos quasi quosdam Castrorum Choros edificari . Sed multò magis apud quos commoda pervenerunt , vigere debet accepti muneris esti-

ma-



matio : Ipse ego sub altissimi Montis umbra , sub propitii Syderis influxu penè nutritus, & adultus, veluti vapor benefico radio de terra evectus, totus eternas in grates effusus, alienæ lætitiæ interpret esgrè meum expono gaudium, ne dùm omnium, & minima Capituli pars, Dignitatum, & Canonico- rum maximum grati animi sensum agnosco, & ad exprimendum ignoro. Magnos Nos equidèm dona Principis effecerunt; Majores tamèn efficit amor; adeòut locus non deesset invidiæ, nisi, & reliquis paria de sua benignitate promitteret, qui non ideò largitur uni, ut desperationem, sed ut spem ceteris exhibeat.

Erit proindè nobis, exterisque cernentibus jucundissimum, quod liberalitati tuæ monumentum in nova psallentium Ædè collocabimus : Omnium enim paritèr animos excitabit, nostros ad accepti recordationem beneficii, alienos ad accipiendi fiduciam, utrosque tamèn ut grati sint, quod de tua largitate, aut illis profusiùs gaudere, aut confidentiùs sperare tribueris. Verùm contemnenda, quæ tantùm vivat in marmore recordatio. Quæ igitur in nos tam liberalitèr contulisti nostris meliùs insculpta pectoribus, occurrent quidèm ani-

mo semper; Sed tunc potissimum, cum novam Odei Sedem intrabimus, gemina Sanctitate conspicuam, & Sanctissimi Numinis, cui est consecrata; & Sanctissimi Conditoris, qui consecravit. Ea autem ibi perennior erit in posterum canentium Vox, illud Votum, Principis Salus, atque Fœlicitas. Interim Sanctissimis Tuis Pedibus advoluti oscula figimus; atque Apostolicam Nobis, majoremque omnibus, quæ nupèr accepimus beneficiis, benedictionem precamur.

B. V.



*Addictissimi, Obsequentissimi, Humilissimi Servi;  
& Filii*

Hieronymus Crispus Archipresbyter, Dignitates, & Canonici.

I M P R I M A T U R,

Si videbitur Reverendissimo Patri Magistro Sacri  
Apostolici Palatii.

*Dominicus de Zaulis Episcopus Verulanus  
Vicesgerens.*



I M P R I M A T U R,

Fr. Paulinus Bernardinius Ordinis Prædicatorum  
Sacri Apostolici Palatii Magister.





Write to the  
Doll House Dec. 8. 1870